

三輔黃圖 三輔故事
三輔舊事 兩京新記



三
輔
黃
圖

孫星衍
莊遠吉 校定

中
華
書
局

三輔黃圖新校正序

三輔黃圖一卷始見於隋經籍志不著撰人名氏如淳晉灼多引其文按劉昭注郡國志引黃圖云下邳縣并鄭桓帝西巡復之則爲漢末人後漢咸陽并入長安故記咸陽故事亦多繫之長安也書亦名西京黃圖舊有敘不傳故臣瓚引西京黃圖敘民摩錢取屑也舊書有圖特以文爲標識故其詞甚簡今書中所稱舊圖云云者標識之辭下有文複出者圖說是也若後云圖曰上林苑有昆明池周回四十里前云昆明池在長安西周四十里下云舊圖云西有彪池上云水池在長安西之屬隋志云記三輔宮觀陵廟

明堂辟雍郊時等事是其體例尙可尋求後人旣益以注解多引史記漢書及三輔故事三秦記宮闕疏廟記等書傳寫者又亂入本文今長安志引太上皇廟在長安城中香室街酒池之北案之本書云在長安城中香室街南關輔記曰在酒池北則是宋敏求卽連用其注程大昌以爲唐人增續成之是也樂史宋敏求所引又勝於南宋時本雍錄所引有漢明帝永平五年至長安取飛廉并銅馬置之西門以爲平樂觀董卓悉銷以爲錢則後人所益玉海所引有岐州扶風縣及湖城縣等不能別擇亦前此所無其引序云孔子作春秋築一臺新一門必書于經今哀秦

漢以來宮殿門闕樓觀池苑在關輔者著于篇東都不與焉又云始於三輔治所終於雜錄一帙凡十九條是其篇目已非隋志之舊然王所引据詞旨簡質尙與今本不同今本于三輔治所前增三輔沿革其辭至劣又分十九條爲三十六條是又非宋本之舊矣玉海指證此書思子宮在湖萬歲宮在汾陰皆隸甘泉與史不合今覽其文殆有甚者鐘官之誤爲鐘宮乃附于宮類涿沐館之譌爲涿沐觀乃列于觀屬溫室殿實在未央而載在長樂宮云按漢宮殿疏在長樂宮又漢宮閣記在未央宮旁皇無据渭橋一名便門橋亦卽橫橋見水經注而妄加橫橋便門橋

與渭橋爲三或本書與拾遺記西京雜記同文則以彼繁詞增其篇幅或傳注稱引本書後及他書後爲按語皆牽連抄摭或非三輔宮觀妄附本書蕪累甚矣王應麟弟應鳳有訂正三輔黃圖今復不傳嘗得宋紹興癸酉撫州刊本後有苗昌言題以校明本頗有異同亦無殊絕子以爲唐人所引三輔故事諸書亡矣畧見於此不宜刊落可用舊本漢人著書存者絕少削繁補遺倘復舊觀則亦相輔而行焉頃涉覽書傳刺取舊文依隋志成爲一卷以續應鳳之舊僕旣訪古關中西涉桃林東觀芒竹南窮八水北覽九嶷憑眺遺墟搜求故實加之目驗猶恐面牆近得莊

公子達吉共相釐訂付之剞劂如有舛誤以俟知音
乾隆五十年太歲乙巳冬至孫星衍撰於關中節署

三輔黃圖一卷

陽湖孫星衍 莊達吉 同校定

京兆在尙冠前街東入故中尉府馮翊在太上皇廟

西入右扶風在夕陰街北入故主爵府

顏師古引如
上與今本異

今本見行世不
復著錄其文

太初元年以渭城以西屬右扶風長

安以東屬京兆尹長陵以北屬左馮翊以輔京師謂

之三輔

太平御覽引如上顏師古云長安以東爲京
兆長陵以北爲左馮翊渭北以西爲西扶風

不如御覽爲長今本作三輔者謂主爵中
尉及左右內史云云三十七字後人妄改三輔郡皆

有都尉如諸郡京輔都尉治華陰左輔都尉治高陵

右輔都尉治郿王莽分長安城旁六鄉置帥各一人

分三輔爲六都尉渭城安陵以西北置枸邑義渠十

縣屬京尉大夫居故長安寺高陵以北十縣屬師尉大夫府居故廷尉府新豐以東至湖十縣屬翊尉大夫府居城東霸陵杜陵以東至藍田西至武功郁夷十縣屬光尉大夫府居城南茂陵槐里以西至汧十

縣屬扶尉大夫府居城西長陵池陽以北至雲陽

今本

脫此二字祿十縣屬列尉大夫府居城北

自渭城安陵以西至此

師古引今本有後漢光武之後云云後人以關中記妄加

咸陽故城自秦孝公至始皇帝胡亥並都此城始皇

兼天下都咸陽

太平寰宇記引如上八字御覽同初學記作始皇都咸陽

因北陵

營殿端門四達以則紫宮象帝居渭水貫都

今本渭水上有

引字諸書所無以象天漢橫橋南度以法牽牛

諸書引橋廣悉如上

六尺南北三百八十步六十八間七百五十柱百二十梁橋之南北有隄激立石柱柱南京兆主之柱北馮翊主之有令丞各領徒一千人橋之北首壘石水中水經注引如上古本多脫自此已下有咸陽北至九嶰甘泉南至鄠杜云云是史記正義引廟記文今削去

黃陽宮秦文王所起

藝文類聚引云長安有黃陽宮則此下疑有在長安數字玉海

引有在今鄠縣西南二十三里與今本同乃唐人所加今削去後皆如此

棧陽宮秦昭王所作在扶風

晉灼引如上三字案此兼黃陽宮而言黃陽宮

在鄠亦屬扶風

西垂宮文公元年居西垂宮

此類疑亦後人以史記加入古本當只作西垂

宮三字

平陽封宮武公元年伐彭戲氏至於華山下居平陽

封宮

此亦史記文

橐泉宮

下有皇覽今削去案地里志及書例此下疑當有孝公起三字

步高宮

在新豐縣初學記引作京兆有步高宮寰宇記同此

亦名市邱城

步壽宮在新豐縣步高宮西

號宮秦宣太后起

長楊宮在螯屋

文選注引云長楊宮有射熊館在螯屋今增在今螯屋縣東南三十里

本秦舊宮漢修飾之以備行幸宮中有垂楊數畝因

以爲名門曰射熊

雍錄下秦漢游獵之所王海引如麟所見本已爲唐人竄亂亦不盡可據然其詞簡質猶宋本也王引他書亦多不改字故足據也

斬年宮穆公所造

梁山宮始皇幸梁山

當脫在好時今本又見一字後卷者非

信宮亦曰咸陽宮

興樂宮秦始皇造漢修飾之周回二十餘里漢太后常居之

阿房宮亦曰阿城惠文王造宮未成而亡始皇廣其宮規恢三百餘里離宮別館彌山跨谷輦道相屬閣道通驪山八百餘里表南山之顛以爲闕絡樊川以爲池作阿房前殿東西五十步南北五十丈上可坐萬人下建五丈旗以木蘭爲梁以慈石爲門懷刃者止之

文選注長安志引有上五字今本脫下有收天周馳爲復道云云皆史記文後人妄加

下兵聚之咸陽銷以爲鐘鐻高三丈鐘小者皆千石

也

初學記引作始皇造虞高二丈鐘小者千石

銷鋒鏑以爲金人十二以

弱天下之人立於宮門坐高三丈銘其後曰顏師古作其銘

日皇帝二十六年初兼天下改諸侯爲郡縣一法律

同度量大人來見臨洮其長五丈足跡六尺顏師古引止此

今本下云銘李斯篆蒙恬書董卓悉椎破銅人銅臺以爲小錢及英雄記云云皆後人妄加今本收天下

之兵上有云朝宮始皇三十五年以咸陽人多云云是史記文又有庭中可受萬人車行酒騎行炙云云

是長安志引三輔舊事文皆後人妄加又朝宮卽未央今本作二條朝宮在前未央在後皆非本書也

悉削去

蘭池宮始皇三十一年微行咸陽逢盜蘭池玉海引

本有與武士四人俱夜出後人妄加

雲閣二世所造下有云起雲閣欲與南山齊是文選注引三輔故事

望夷宮在長平觀道東北臨涇水以望北夷以爲宮名

林光宮胡亥所造從廣各五里

長安故城漢之舊都高祖

玉海作帝

七年方修長樂宮成

自櫟陽徙居此城本秦離宮也初置長安城本狹小

至惠帝更築之高三丈五尺下闊一丈五尺上闊九

尺雉高三坂周回六十五里城南爲南斗形北爲北

斗形至今人呼漢舊京爲斗城

玉海案惠帝引如上今本有

成云云乃後人以漢書加入

城下有池周繞

玉海此字無

廣三丈深二

丈石橋各六丈與街相直

玉海直二字作等

長安城東出北頭第一門曰

水經注作本名二字

宣平門民間

謂東都門

都字當爲城

建始元年秋八月有白蛾羣飛蔽

日從東都門至枳道疏廣受乞骸歸公卿大夫爲設

祖道供張東都外卽此門也其郭門亦曰東都後漢書注

引作其外郭卽逢萌挂冠處也玉海引如上今本又

開謂東都門至此水經挂冠處也云一日東城門其郭門

亦曰東都門卽逢萌挂冠處也三句條疑亦後人所

加水經注卽逢萌挂冠之語疑亦酈道元文莽更名春王門正月亭東都

門至外郭亭十三里今本爲第三條第一條曰

東出第二門曰清明門今本此句上皆有長安城一

曰籍田門以門內有籍田倉水經注玉海削去一

人漢宮莽更名宣德門布恩布恩亭玉海引

東出南頭水經注無第三門曰霸城門民見門色青

名曰

水經注又作名

青城門或曰青門召平種瓜青門外海

引如人上七字今本云云

疑後人以水經注加入莽改名仁壽門無疆亭

玉海訂正

南出東頭第一門曰覆盎門

玉海有一號杜門四字水經注無是也今削去

有魯班輸所造橋其南有下杜城故曰下杜門

一號杜門

又曰端門北對長樂宮莽更名永清門長茂

亭如上海引

南出第二門曰安門亦曰鼎路門北對武庫莽更名

光禮門顯樂亭

南出第三門曰西安門

後漢書注引云平城門長安城南西頭門

北對未央宮

一曰便門即平門也

玉海及今本有古者平便同字建本三年初作便門